



Gou “Veh Gou”

我的“自画像”

Gou dwg seiq nienzgaep hagseng, dwg dahsau dwggyaez, vaiqvued he, hix dwg dahsau miz gak cungj gak yiengh yinxdaeuz he.

Fajnaj gou soemsetset lumj naed cehgva, gwnznaj fouq bwnda gungj-ngetnget lumj mbaw yangzliuj. Baihlaj bwnda maj miz fouq lwgda lumj caencaw, laj lwgda miz aenndaeng, giuzndaeng youh hung youh sang, gyoengqvunz cungj naeuz aenndaeng

gou maj ndaej miz di geizheih. Couhdwg aenndaeng geizheih neix, de nyuq ndaej gig gyae. Mizseiz gou youq gwnzlaeuz, daxmeh youq lajlaeuz ndaw bakcauq cawj byaek, aenndaeng gou couh nyuq rox de cawj gijmaz byaek, couh heuh daxmeh aeu cuengq gijmaz boihliuh roengzbae, moix mbat gangj caengz sat, daxmeh cungj riuhaa dwk naeuz: “Duz malwg neix aenndaeng caen lingz, gou cawj gijmaz

byaek cungj rox.”

Gou mizseiz sienxsubsub, hoeng mizseiz gig diuqbeiz. Miz baez ndeu, daeggo fwngz gaem soujgih cingq dwk youzhi gig mizyinx, gou yawjraen fwngz de dawz soujgih, baihlaj miz cozyez. Gou dinghdingh dwk yawj de, fatyienh de songda ngaiez yawj dwk soujgih youzhi.

Mizseiz gou doegsaw bungz daengz bouxsij sij vahgawq sij ndaej

ndei, gou ciengzciengz ciuq bouxsij sijfap daeuj sij doenghgo henzndang gou. Lumj dou hag le 《Va' ngaeux》, gou couh sij 《Vadauz》; hag le 《Giuz Caucouh》, ndaw govwnz sij gwnz lanzgan gaek miz duzlungz yienghceij gyaundeiz raixcaix. Hoeng, ndaw govwnz cix sij miz sam cungj, gou couh ciuq govwnz sijfap ngeixsij: Miz di gaek miz duzlungz hung caeuq duzlungz iq, gyoengqde lumj song mehlwg naengh youq gizhaenx gangj-go; miz di gaek duzlungz he naengh youq gizhaenx, lumj cimyawj bya-raemx gyaundeiz lajmbanj raeuz……

Gij gyaez gou gig lai, miz veh dozveh, guh soujgungh, ciengq go, diuq foux……Doenghgij neix, gou ceiq gyaez veh dozveh. Vunz yawj raen gou veh dozveh, cungj haenh gou veh ndaej ndei, gou veh fuk doz 《Ranzmbanj Gou》, bae camgya ndaw yienh siujhagseng veh dozveh doxdax, lij ndaej daih'it mingz ne.

Gou ndei rwix cungj miz, gij ndei gou aeu hag roengzbae, gij rwix gou aeu vuetdeuz, hag gij ndei bouxwnq daeuj bouj gij rwix swhegeij. Maq-muengh daihgya caeuq gou guh baengzyoux ndei.

(Vujsenh Yen Dungzlingj Cin Sinhlungz Siujyoz seiq nienzgaep Danz Mingzsenh, boux lauxsae songyauq Lungz Ging'yuz)



Mbanjranz “Singz Dangz”

“糖都”家乡

Mbanjranz gou youq Gvangjsih Cungzcoj Si, gizhaenx dwg dieg ndaem oij ceiq lai guek raeuz, dwg “singz dangz” Cungguk. Dingq daxboh naeuz, bouxminz mbanjranz cojcoj coengcoeng ndaem oij gvaq ngoenz, byaij ok diuz roen vutgungz baenzmiz ndeu.

Binaengz ndwensam, vunz ndaem oij hainduj ndaem oij, yienzhaeuh dinghseiz dwk bwnh, byoq yw, bok mbaw daengj, sinhoj gouj ndwen, cij daengz oij baenz. Seizneix, hix dwg seiz vunz ndaem oij ceiq sinhoj, gyoengqde doq lienzhaeh dieg gai, doq lienzhaeh vunz raemj oij, ganj youq gvaqcieng gaxgonq raemj oij liux.

Seiz raemj oij dwg seiz ceiq hoengh ndawmbanj. Gyoengq beix-nuengx bouxboux daenj buhraez vaqraez, bau bonjfaenh deihdeih maenhmaenh bae. Hainduj gou ngeizvaeg raixcaix, doeklaeng daxboh lwnh gou lo, yienzlaiz mbawoij miz oen iq lai, lij raeh dem, yungzheih


heh deng vunz, ndigah gyoengqvunz guhhong aeu hoh ndei bonjfaenh. Daxboh lij naeuz, caezgya raemj oij riengjret, daih'it aeu sam seiqcib gaiq oij haed baenz bog, yienzhaeuh aeu bog oij buen hwnj aen ci hung yinh oij bae, cang rim aen ci hung couh hai aen, gwnz roen ci yinh oij aen bae aen dauq, laebdaeb nyaengq hong cib geij ngeihcib ngoenz. Gyoengq beixnuengx guhhong rengz-rwdrwd, doxbang guhhong, ciengj sou nyaengqfofo, muengh vaiqdi sou ndaej cienz oij, gvaq mbat cieng soengsat ndeu. Gvaiq mbouj ndaej gou binaengz youq ranzlaux gvaq-cieng, cungj yawjraen gyoengq beixnuengx naj riunyumnyum, cungj dingqny sing riu vandiempz gyoengq beixnuengx.

Gou roxyiuj: Guhhong cau caiz, diuzroen baenzmiz mbanjranz diempz-subsub.

(Nanzningz Si Cinghsongh Siujyoz Lij Lingzyinz)

Aenranz Duzbya

小鱼的家



Najranz daxdaiq miz diuz dah iq sawndik ndeu, ndawdah miz haujlai bya iq. Miz ngoenz ndeu, gou siengj bae gaeb bya, daxmeh dapwngq lo. Hoeng ndawranz mbouj miz muengxbya, baenzlawz guh ne? Yienghneix, dou dawz aennidj roh raemx dangqbaenz aenmuengxbya, yaek dawz bae ndawdah gaeb bya.

Daengz ndawdah le, daxmeh sien roengz haenzdah bae, yienzhaeuh gou maeuq youq haenzhamq, daxmeh siujsim yi yi umj gou roengz haenzdah bae. Gaen dwk, dou vid gavaq hwnj, couh roengz raemx bae. Bya iq gizneix caen coengmingz ha! Aennidj baez bungq najraemx, bya iq couh vaiqvuet deuz bae. Gou caeuq daxmeh lauz le haujlai nanz, doeklaeng dauqdaej lauz ndaej sam duz bya iq lo.

Dawz bya iq ma ranz le, gou siengj ok aen banhfap ndei ndeu: Guh aen ranz cwxcaih ndeu hawj bya iq. Yienghneix dou ra aen bingzslui hung ndeu, daxmeh dawz aen bingzslui daj cunggyang raed goenq, hawj bakbingz bienq hung di. Gou youq daej bingz coq caengz rin iq ndeu, menhcij raix raemx rim bae, cuengq song go nywjaemx oiqt heuyau roengzbae, yienghneix aenranz bya iq couh guh ndei lo!

Gyanghaemh, gou dawz aenranz bya iq cuengq youq laengranz daxdaiq, hawj bya iq sup hoengheiq singjsien liengzsi. Haet laeng, gou baez hwnq mbonq couh caj mbouj gip bae yawj bya iq. “A! Bya iq mbouj raen lo!” Dingqny gou sing hung hemq, daihgya cungj humx gvaqdaej yawj dwg yienghlawz lo. Aenranz bya iq lij youq dieg gaeuq, geizheih dwg, sam duz bya iq cix ngaiez cungj mbouj raen lo.

Daxdaiq naeuz: “Byai iq aiq dwg deng duzdaek gwn luba.” Daxmeh naeuz: “Duzbya wnggai dwg ma ranz de lo.” Gou naemj, bya iq aiq dwg bae ma ra daxmeh de lo.

Bya iq dauqdaej bae gizlawz lone? Gou baenzlawz naemj cungj naemj mbouj doeng.

(Cezgyangh Swngj Hangzcouh Si Yozcwng Siujyoz ngeih nienzgaep roek ban Sung Denhyui)

